

柳州府志卷之二十六

忠孝

為臣死忠為子死孝庸行也亦常談也而能盡道者卒鮮蓋非天懷中發至性過人不足以與此矣柳人喬野少文與中原異而資稟樸茂忠孝性成之士往往崛起其間或國故頻乃家撓多難因事激發遂孤行一意於存亡危急之秋幸而濟則君父之福也不濟而殺身成仁舍生取義真有慷慨伏節從容受命者雖齊魯文學之儒時或遜焉高

柳州府志 卷之二十六

忠孝

一

風扇百代餘烈激後生其可感也夫志忠孝

唐

白聳柳州馬平人仕為義勝都將光啟中寇入郡境盡驅其民掠其財物聳率所部攻賊奪而歸之郡人為之立祠

宋

宋士堯馬平人皇祐中儂志高寇邕州士堯率兵往救邕與志高戰不勝少休再戰為所敗被賊斬首士堯尸不墮馳馬還營賊望見傳以為異不敢

逼後贈屯衛大將軍

明

李允簡融縣人嘉靖間任貴州思州知府麻陽苗反允簡禦戰被執不屈死之詳見鄉賢

孫克恕馬平人任貴州分巡思石道天啟二年苗賊反攻破銅仁府克恕戰死虎守其骸不去詳見鄉賢

覃文應柳城人天啟歲薦授四川巴縣丞流賊張獻忠圍攻城陷文應具朝服北向拜遂投井死其

柳州府志

卷之二十六

忠孝

二

子懋德亦投井從父弟文勝被執斫手歸道其事士類賢之

董忠榮萬歷壬午科舉人性純孝父母歿廬墓三年哀毀骨立當事題旌後任教諭所造就皆知名士

鄭守聰崇正丙子科舉人幼以孝聞母病劇割股祈神病遂愈巡按汪應元鄭封先後題旌有冲懷明發孝裕忠求兩額

王乘龍馬平人事親孝家貧力作色養怡然始終

不懈鄉黨稱之巡按題旌有純孝格天額  
曹應元字騰宇懷遠廩生當

國朝未平粵之先流賊李來亨等蹂躪地方應元盡  
散產業聚集鄉勇分布守禦為一邑保障弟應魁  
終明季亦以武畧著

國朝

曹維屏應元子康熙十八年撫蠻將軍傅宏烈授  
叅將職銜委以團練維屏躬冒險阻率苗獍逐退  
餘逆境賴以寧

柳州府志 卷之二十六 忠孝

三

溫如珍順治初年偽義寧伯龍韜盤踞柳慶民遭  
荼毒新選知縣許鴻儒駐防副將沈邦清俱被害  
我

朝定南王兵下粵西撫院于時躍進勦不克至十三  
年溫如珍奉命協勦陣斬逆韜恢復柳慶

題授都督僉事同時立功者溫奇瑞溫謙溫讓溫聖  
詩溫聖文黎文裕游文縉黃俊□□吉俱授部劄  
守備溫奇瑞值地方新附怠□□羅城縣署事苗  
爾蔭闢□朝萊修整衙署其功尤偉康熙四年補

授廣東南雄府左營守備溫謙補授江南池州府中營守備溫聖文補授廣西思南協鎮右營守備楊剛字體乾柳州人先世自江右遷粵西遂占籍焉剛生而英偉有勇畧事母以孝聞弱冠即從軍隸提標中營守將姚應龍奇其貌教以騎射擊刺靡不精熟未幾以擒獲東塘來賓諸賊授裨將雍正三年修仁苗覃狗仔天河獐莫東旺相繼作亂當事用剛之謀畧勦除之已而大兵征貴州苗再討貴州叛苗剛所至有攻遷守備遊擊乾隆初曰

柳州府志

卷之二十六

忠孝

四

土邱索頑苗蠢動制撫檄剛為總統而委右江道李錫秦監其軍剛潛師直擣邱索既破即移師攻白土旬日乃克又有桑江逆苗吳金銀等負固以拒我師復檄剛會勦至則摧鋒陷銳所向披靡踰嶺窮追連拔五寨於是苗賊盡平以攻敘歷叅副至左江鎮總兵官署提督後緣事被劾罷歸二十八年以壽終

夏起鳳馬平人左營兵丁夏友順長子母龔氏患隔食癥調治不愈起鳳日夕禱告天地割股肉以

進母病霍然壽至七十七歲隣里咸稱孝感

柳州府志 卷之二十六 忠孝

五

柳州府志卷之二十六終